

# Universitätsbibliothek Wuppertal

**DIONYSII || LAMBINI MON-||STROLIENSIS RE-||GII  
PROFESSORIS,|| IN || Q. HORATIVM FLACCVM EX FIDE  
ATQVE || AVCTORITATE COMPLVRIVM LIBRORVM  
MANV-||scriptorum à se emendatum, et aliquoties  
recogni-||tum, ...**

**Horatius Flaccus, Quintus**

**Frankfurt/Main, 1577**

Ode 25: Ad Lydiam

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1066](https://nbn-resolving.org/urn:nbn:de:hbz:468-1-1066)



**A** AD LYDIAM.

Ode 25.

Infultat ei, quòd iam vetula, vicissim à iu-  
uenibus contemnatur.

**P** Arcius iunctas quatiunt fenestras  
Ictibus crebris iuvenes proterui:  
Nec tibi somnos adimunt, amatque  
Ianua limen:

Quæ prius multum facileis mouebat  
Cardines. audis minus, & minus iam,  
Me tuo longas pereunte nocteis  
Lydia dormis?

Inuicem mæchos anus arroganteis  
Flebis in solo leuis angiportu,

**B** Thracio bacchante magis sub inter-  
Lunia vento,

Cum tibi flagrans amor, & libido,  
Quæ solet matres furiare equorum,  
Sæuiet circa iecur ulcerosum,  
Non sine questu.

Lata quòd pubes edera virenti  
Gaudeat, pulla magis atque myrto:  
Aridas frondeis hiemis sodali  
Dedicet Hebro.

**C** PARCIUS IUNCTAS] dicit Horatius,  
Lydia fenestras ab adolescentibus rarius, quàm  
antèa, lapidum iactu verberari, neque iam eam  
nocturno amatorum aduentu è somno excitari:  
quibus verbis significat, pristinam eius formam,  
qua incendebantur amantes, tempore deflorui-  
se. codices Donati & Faëni & quidam alij, di-  
scordant hîc à vulgatis. *ictibus* enim in eis legi-  
tur, non, *ictibus*: cum quibus consentit Tornes.  
atque hæc lectio fortasse est verior. Præterea in  
quibusdam libris veterib. scriptum reperi, *vinctas*:  
quos non sequor.

AMATQUE IAN. LIM.] ianua tua, quæ  
crebrò aperiebatur propter multitudinem eorù,  
quorum complexum expetebant, nunc perpe-  
tuò clausa & obserata est.

MULTUM FACILEIS] multum faciles erant  
cardines, quia ianua crebrò aperiebatur. quidam  
legunt *facilis*, vt sit recti casus, num. sing.

AVDIS MIN. ET MIN. IAM.] minus  
sæpe audiuntur à te illæ miserabiles amatorum  
voces, quos tu ætatis flore, & oris pulchritudine  
ferox excludebas. sic loquitur Satyra 5. lib. 2.  
*quarta sit partis Ulysses, Audieris, heres.* & Saty. 6.  
lib. 1. *Audit continuo, quis homo hic est? quo patre*

*natus? & Homerus Iliad. φ. ὡς ἄρα μιν Πριάμοιο πατρὸς  
σὺνδρα φειδύμιος υἱὸς Λισσόμενος ἐπέεσσιν: ἀμείλικτον δ' ὅτ' ἄ-  
κουσε, Νήπιε μὴ μοι ἄπεινα πικρῶσκειο, μηδ' ἀχρόρευε.* id est,  
Sic eum affatus est Priami filius suppliciter orans.  
Athic vocem duram, & immitem audiuit, Stulte,  
ne mihi munera fare, neque narra. & M. Tull.  
Tuscul. 3. *Afflictissime, & lamentabili voce plorans  
audies, O virum fortem?* idem fragm. Academ. ad  
Varr. *Et quere quem magis amet: Zenonem, à quo  
bestia nominatur, an Arcesilam, à quo audit, Tu for-  
tasse verum dicis: sed requiram diligentius.*

ME TVO LONG. PERE. NOCT.] hæc  
erat amoris exclusi vox. post verbum dormis, in  
codice Faëni scripta est interrogationis nota:  
quem secutus sum.

LONGAS NOCTEIS] epist. 1. lib. 1. *Vt nox  
longa quibus mentitur amica, &c.*

INVICEM MÆCHOS] tu nunc vicissim  
anus facta tuæ præteritæ arrogantia, atque into-  
lerantia pœnas dabis, complexumque iuuenum  
exoptans, illorum fastidium, ferociam, & super-  
biam experieris. Mæchos autem appellat, corru-  
ptores, & amatores, vt infra Od. 33. *Quam turpi  
Pholoë peccet adultero.* & 36. *Nec Damalis nouo Di-  
uellerur adultero.* & Od. 16. li. 3. *Nocturnis ab adul-  
teris.* IN SOLO ANGIPT.] deserto, vt Catull.  
de nupt. Pel. *sola sub rupe.* Et Lucret. lib. 4. *quopa-  
Ëto per loca sola, Saxa pares formas verborum ex or-  
dine reddant.* & Virg. li. 11. *Pastorù & solis exegit mō-  
ribus anñ.* angiportus, & angiportum, vtrumq; est  
in vsu. Catull. *Nūc in quadringijs, & angiportis Glu-  
bit magnanimos Remi nepotes.* Terent. Adelph. *id  
quidem angiportum non est peruium.* Est autem an-  
giportus iter compendiarium in oppido, inde di-  
ctus, quòd sit angustus in portum aditus. Festus.

LEVIS.] amans, præsertim anus. nam si ama-  
re leue est etiam in iuuenibus, & puellis: quanto  
magis in senibus, & vetulis: vel leuis, id est, vilis &  
contemta, & nullius pretij.

THRACIO.] Thracio vento, Aquilone. de  
quo sic Hesiodus: *Ὅς τε δὲα Θρήκῃς ἰπποτρόφῃ εὐρέε  
πόντω Εμπνεύθεσ ἀρίνη.* idem, *Πικρὰ Θρηκίῃς Βορέας νέφεα  
κλονέοντες.* Theocrit. *εἰδ. λβ. Ἡὲ Νόπιο βῖν, ἢ Θρηκὸς Βο-  
ρέας.* Aratus de Andromeda. *Ἡ μὲν γὰρ Θρηκὸς ὑπὸ  
πνοῇ βορέας,* &c. Homer. autem *ιλ. 1. Boream & Ze-  
phyrum facit è Thracia spiranteis. Βορέης καὶ ζέφυρος,  
τῷ τε Θρηκίῃθεν ἀπτον.* Horat. infra Od. 13, epod. *Nūc  
mare, nunc siluæ Threicio Aquilone sonant.* Appel-  
lata autem est à nonnullis Thracia ἀνέμων ἐργαστήριον,  
ἢ οἰκητήριον: id est, ventorum officina, seu domicili-  
um propterea, quòd est frigidissima. Itaq; Eurip.  
in Hecuba: *Θρηκίῳ χονώδη* appellat, & item Apol-  
lon. lib. 1. argon. id est, Thraciam niuosam. vide  
annotation. ad Od. 12. lib. 4.

BACCHANTE] vehementer, & pæne dicam,  
furenter flante. ducta tralatio est à sacerdotibus  
Bacchi bacchantibus.

SVB INTERLVN.] amplificatio est. Est enim  
grauissimum, noctu, flante Aquilone, & in-  
terlunij tempore, sub dio pernoctare. & attende,  
versum non esse nomine integro clausum, quod  
viciosum esse docet Hephæstion in enchiridio,  
Profertque versus hos Simonidis, ἢ μὲν Ἀθηναίους